


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-32	As-Sajdah	30	3	Makkiyyah	Ke-75	5



Zaman Diturunkan

Surah as-Sajdah diturunkan di permulaan peringkat kedua kehidupan Rasulullah s.a.w. di Mekah sekitar tahun ke-4 hingga ke-5 Kenabian. Ia diturunkan selepas Rasulullah s.a.w. menyampaikan da'wahnya secara terbuka, pada ketika itu Rasulullah s.a.w. dituduh sebagai مُفْتَرِي (pendusta), orang-orang Islam pada ketika itu belum lagi menjadi mangsa kezaliman dan kekejaman orang-orang kafir Quraisy. Cerdik pandai di kalangan orang-orang kafir Quraisy diminta memerhatikan peribadi orang-orang mu'min yang dianggap mereka sebagai musuh itu.

Kelebihan Surah As-Sajdah

Terdapat satu riwayat 'Abdullah bin 'Abbaas berkenaan kelebihan surah ini, iaitu Rasulullah s.a.w. selalu membaca dalam sembahyang subuh pada hari Jumaat Surah as-Sajdah dan Surah ad-Dahr (Shahih Muslim, Kitab Jumaat, Bab apa yang dibaca pada hari Jumaat, hadits 2,068).

Perkaitan Surah As-Sajdah Dengan Surah Sebelum Dan Selepasnya

1. Antara kesalahan pemimpin-pemimpin Quraisy yang tersebut di dalam Surah Luqman ialah mereka telah mempopularkan لَهُوَ الْحَدِيث (hiburan-hiburan yang melalaikan) untuk menghalang da'wah Islam, mereka juga sombong, tidak mahu mendengar dengan baik seruan Islam, tidak menerima مَا أَنْزَلَ اللَّهُ (apa yang diturunkan oleh Allah) sebaliknya tetap dengan pendirian dan pegangan مَا وَجَدْنَا عَلَيْهِ آبَاءَنَا (apa yang kami dapati daripada nenek moyang), tidak percaya kepada hari akhirat dan juga melakukan syirik yang merupakan kezaliman yang sangat besar. Di dalam Surah as-Sajdah ini pula sebaliknya dikemukakan sifat-sifat dan peribadi orang-orang Islam yang baik dan shaleh bahawa mereka tidak sombong, sentiasa bertasbih dan bertahmid, bertahajjud, takut kepada tuhan, selalu berdoa kepada tuhan dan mereka juga adalah pemurah (Ayat: 15-16).

إِنَّمَا يُؤْمِنُ بِآيَاتِنَا الَّذِينَ إِذَا ذُكِرُوا بِهَا خَرُّوا سُجَّدًا وَسَبَّحُوا بِحَمْدِ رَبِّهِمْ وَهُمْ لَا يَسْتَكْبِرُونَ ﴿١٥﴾ تَتَجَافَى جُنُوبُهُمْ عَنِ الْمَضَاجِعِ يَدْعُونَ رَبَّهُمْ خَوْفًا وَطَمَعًا وَمِمَّا رَزَقْنَاهُمْ يُنفِقُونَ ﴿١٦﴾

2. Di dalam Surah as-Sajdah dibuat perbandingan di antara orang-orang mu'min yang berperibadi mulia dan orang-orang yang buruk peribadinya (فَاسِقِينَ), mereka tidak sama, hasil yang akan diperolehi mereka juga tidak akan sama.

3. Di dalam Surah al-Ahzaab yang akan datang pula dibuat perbandinan di antara para sahabat yang ikhlas dan orang-orang munafiq, betapa berbezanya peribadi kedua golongan itu.

Beberapa Kata Kunci Dan Tema Utama Surah

1. Kepada orang-orang kafir disebutkan dengan terang dan terbuka bahawa tempat tinggal mereka nanti

adalah neraka (Ayat: 20).

وَأَمَّا الَّذِينَ فَتَقُوا فَمَا لَهُمْ نَارُ

2. Di dalam Surah as-Sajdah, perkataan لِقَاء (pertemuan dengan Allah di akhirat kelak) disebutkan sebanyak tiga kali (Ayat: 10, 14 dan 23).

(a) Orang-orang musyrikin Mekah sebenarnya tidak percaya akan adanya hari akhirat, mereka tidak menerima adanya لِقَاء atau pertemuan dengan Allah (Ayat: 10).

أَوْنَا لَقِي خَلْقٍ جَدِيدٍ بَلْ هُمْ بِلِقَاءِ رَبِّهِمْ كَافِرُونَ ﴿١٠﴾

(b) Di dalam Taurat juga telah disebutkan dengan terang bahawa Musa berpesan supaya jangan ragu akan adanya hari pertemuan dengan tuhan itu (Ayat: 23).

فَلَا تَكُنْ فِي مِرْيَةٍ مِّنْ لِّقَائِهِ

(c) Orang-orang yang tidak percaya kepada adanya hari akhirat, pada hari kiamat nanti akan terbiar sebagaimana mereka membiarkan dan tidak kisah tentang pertemuan dengan tuhan (Ayat: 14).

فَذُوقُوا بِمَا نَسِيتُمْ لِقَاءَ يَوْمِكُمْ هَٰذَا إِنَّا نَسِينَاكُمْ

3. Di dalam surah ini selain digunakan perkataan فاسقين kepada orang-orang yang tidak percaya kepada hari akhirat, perkataan مجرمين juga digunakan untuk mereka.

Kerana tidak berasa bertanggungjawab dan akan disoal di akhiratlah manusia menjadi jahat, buruk pekerti, fasiq dan penjenayah.

(a) Allah s.w.t. akan menghukum orang-orang yang tidak percaya kepada hari akhirat (مجرمين dan فاسقين) (Ayat: 22).

إِنَّا مِنَ الْمُجْرِمِينَ مُنتَقِمُونَ ﴿٢٢﴾

(b) Di hari kiamat nanti, golongan مجرمين dan فاسقين iaitu penjenayah dan penjahat yang tidak percaya akan adanya hari akhirat akan menundukkan kepalanya di hadapan Allah kerana malu (Ayat: 12).

إِذِ الْمُجْرِمُونَ نَاكِسُوا رُءُوسِهِمْ عِندَ رَبِّهِمْ